



□ 13
3854
2



1213
3854
2

テ 180
文和 994
號 2



顏氏家訓卷下

北齊黃門侍郎顏之推撰
建寧府通判廬陵羅春刊



涉務篇十一

夫君子之處世貴能有益於物耳不徒高談虛論左
琴右書以費人君祿位也國之用材大較不過六事
一則朝廷之臣取其鑒遠治體經綸博雅二則文史
之臣取其著述憲章不忘前古三則軍旅之臣取其
斷決有謀強幹習事四則藩屏之臣取其明練風俗
清白愛民五則使命之臣取其識變從宜不辱君命

顏氏家訓卷下

<2016-191>

六則興造之臣取其程功節費開略有術此則皆勤
學守行者所能辦也人性有長短豈責其美於六塗
哉但當皆曉指趣能守一職便無愧耳 吾見世中
文學之士品藻古今若指諸掌及有試用多無所堪
居承平之世不知有喪亂之禍處廟堂之下不知有
戰陣之急保俸祿之資不知有耕稼之苦肆吏民之
上不知有勞役之勤故難可以應世經務也晉朝南
渡優借士族故江南冠帶有才幹者擢為令僕以下
尚書郎中書舍人已上典掌機要其餘文義之士多
迂誕浮華不涉世務纖微過失又惜行捶楚所以處

於清名蓋護其短也至於臺閣令史主書監帥諸王
籤省並曉習吏用濟辦時須縱有小人之態皆可鞭
杖肅督故多見委使蓋用其長也人每不自量舉世
怨梁武帝父子愛小人而疏士大夫此亦眼不能見
其睫耳 梁世士大夫皆尚褻衣博帶大冠高履出
則車輿入則扶持郊郭之內無乘馬者周弘正為宣
城主所愛給一果下馬常服御之舉朝以為放達至
乃尚書郎乘馬則糾劾之及侯景之亂膚脆骨柔不
堪行步體羸氣弱不耐寒暑坐死倉猝者往往而然
古人欲知稼穡之艱難斯蓋貴穀務本之道也夫食

為民天民非食不生矣三日不粒父子不能相存耕種之存鉏之刈獲之載積之打拂之簸揚之凡幾涉手而入倉廩安可輕農事而貴末業哉江南朝士因晉中興南渡江卒為羈旅至今八九世未有力田悉資俸祿而食耳假令有者皆信僮僕為之未嘗目觀起一撥土耘一株苗不知幾月當下幾月當收安識世間餘務乎故治官則不了營家則不辦皆優閑之過也

省事篇第十二

銘金人云無多言多言多敗無多事多事多患至哉

斯戒也能走者奪其翼善飛者減其指有角者無齒齒豐後者無前足蓋天道不使物有兼焉也古人云多為少善不如熟一鼯鼠五能不成技術近世有兩人朗悟士也性多營綜畧無成名經不足以待問史不足以討論文章無可傳於集錄書迹未堪以留愛翫卜筮射六得三醫藥治十差五音樂在數十人下弓矢在千百人中天文畫繪基博鮮卑語前胡桃油鍊錫為銀如此之類畧得梗槩皆不通孰惜乎以彼神明若省其異端當精妙也上書陳事起自戰國逮於兩漢風流彌廣原其體度攻人主之長短諫諍

之徒也。訐群臣之得失，訟訴之類也。陳國家之利害，對策之伍也。帶私情之與奪，遊說之傳也。摠此四塗，賈誠以求位，鬻言以干祿，或無絲毫之益，而有不省之困，幸而感悟人主，為時所納，初獲不貲之賞，終陷不測之誅，則嚴助、朱買臣、吾丘壽王、主父偃之類甚衆。良史所書，蓋取其狂狷一介，論政得失耳。非士君子守法度者所為也。今世所觀，懷瑾瑜而握蘭桂者，悉恥為之。守門詣闕，獻書言計，率多空薄，高自矜夸，無經畧之大體，咸糠粃之微事。十條之中，一不足採，縱合時務，已漏先覺，非謂不知，但患知而不行耳。或

披發姦私，面相酬證，事途迴冗，翻懼憚尤人主外護，聲教脫加，含養此乃僥倖之徒，不足與比肩也。諫諍之徒，以正人君之失，爾必在得言之地，當盡匡贊之規，不容苟免。偷安垂頭塞耳，至於就養，有方思不出位，干非其任，斯則罪人。故表記云：事君遠而諫則諛也，近而不諫則尸利也。論語曰：未信而諫，人以爲諂也。君子當守道崇德，蓄積待時，爵祿不登，信由天命，須求趨競，不顧羞慙。比較材能，斟量功伐，厲危揚聲，東怨西怒，或有劫持宰相，瑕疵而獲酬謝，或有諛聒時人，視聽求見，發遣以此得官，謂爲才力何。

異於食致飽竊衣取溫哉世見躁競得官者便為弗
索何獲不知時運之來不然亦至也見靜退未遇者
便為弗為胡成不知風雲不與徒求無益也凡不求
而自得求而不得者焉可勝算乎齊之季世多以
財貨託附外家誼動女謁拜守宰者印組光華車騎
輝赫榮兼九族取貴一時而為執政所患隨而同察
既以利得必以利治微染風塵便垂肅正坑穿殊深
瘡疖未復縱得免死莫不破家然後噬臍亦復何及
吾自南及北未嘗一言與時人論身分也不能通達
亦無尤焉王子晉云佐獲得嘗佐聞得傷此言為

善則預為惡則去不欲黨人非義之事也凡損於物
皆無與焉然而窮鳥入懷仁人所憫況死士歸我當
棄之乎伍員之託漁舟季布之入廣柳孔融之藏張
儉孫高之匿趙岐前代之所貴而吾之所行也以此
得臯甘心瞋目至如郭解之代人報讎灌夫之橫怒
求地游俠之徒非君子之所為也如有逆亂之行得
臯於君親者又不足與焉親友之迫危難也家財已
力當無所吝若橫生圖計無理請謁非吾教也墨翟
之徒世謂熱腹楊朱之侶世謂冷腸腸不可冷腹不
可熱當以仁義為節文爾前在修文今曹有山東

學士與關中太史競曆凡十餘人紛紜累歲內史牒
付議官平之吾執論曰大抵諸儒所爭四分并減分
兩家爾歷象之要可以晷景測之今驗其分至薄蝕
則四分疏而減分密疏者則稱政令有寬猛運行致
盈縮非算之失也密者則云日月有遲速以術求之
預知其度無災祥也用疏則藏奸而不信用密則任
數而違經且議官所知不能精於訟者以淺裁深安
有肯服既非格令所司幸勿當也舉曹貴賤咸以為
然有一禮官取為此議苦欲留連強加考覈機杼既
薄無以測量還復採訪訟人窺望長短朝夕聚議寒

暑煩勞昔春涉冬竟無與奪怨誚滋生赧然而退終
為內史所迫此好名好事之辱也

止足篇十三

禮云欲不可縱志不可滿宇宙可臻其極情性不知
其窮唯在少欲知止為立涯限爾先祖靖侯戒子姪
曰汝家書生門戶世無富貴自今仕宦不可過二千
石婚姻勿貪勢家吾終身服膺以為名言也 天地
鬼神之道皆惡滿盈謙虛冲損可以免害人生衣取
以覆寒露食取以塞飢乏爾形骸之內尚不得奢靡
已身之外而欲窮驕恭耶周穆王秦始皇漢武帝富

有四海貴為天子不知紀極猶自敗累況土庶乎常
以為二十口家奴婢盛多不可出二十人良由十頃
堂堂纒蔽風雨車馬僅代杖策蓄財數萬以擬吉凶
急速不啻此者以義散之不至此者勿非道末之
仕宦稱泰不過處在中品前望五十人後顧五十人
足以免耻辱無傾危也高此者便當罷謝偃仰私庭
吾近為黃門郎已可收退當時羈旅懼羅謗譴思為
此計僅未暇爾自喪亂已來見因託風雲微倖富貴
且執機權夜填坑谷歛歡卓鄭晦泣顏原者非十人
五人也慎之哉慎之哉

誠兵篇十四

顏氏之先本乎鄒魯或分入齊世以儒雅為業偏在
書記仲尼門徒升堂者七十有二顏氏居八人焉秦
漢魏晉下逮齊梁未有用兵以取達者春秋之世顏
高顏鳴顏羽之徒皆一闢夫爾齊有顏涿聚趙有顏
聚或作漢未有顏良宋有顏延之並處將軍之任竟
以顛覆漢郎顏駟自稱好客更無事迹顏忠以黨楚
王受誅顏俊以據遠威見殺得姓已來無清操者唯
此二人皆罹禍敗頃世亂離衣冠之士雖無身手或
聚徒眾違棄素業微倖戰功吾既羸薄仰惟前代故

真心於此子孫誌之孔子力翹門關不以力聞此聖
證也吾見今世士大夫纔有氣幹便倚賴之不能被
甲執兵以衛社稷但微行險服逞弄拳腕大則陷危
亾小則貽耻辱遂無免者國之興亾兵之勝敗博學
所至幸討論之入帷幄之中參廟堂之上不能為主
畫規以謀社稷君子所恥也然而每見文士頗讀兵
書微有經略若承平之世睥睨官闈幸災樂禍首爲
逆亂誑誤善良如在兵革之時構扇反覆縱橫說誘
不識存亾強相扶戴此皆陷身滅族之本也誠之哉
誠之哉習五兵便乘騎止可稱丈夫爾今世士大夫

但不讀書卽稱丈夫兒乃飯囊酒壺也

養生篇第十五

神仙之事未可全誣但性命在天或難鍾值人生居
世觸途牽繫幼少之日既有供養之勤成立之年便
增妻孥之累衣食資須公私勞役而望遁跡山林超
然塵滓千萬不過一爾加以金玉之費鑪器所須益
非貧士所辦學如牛毛成如麟角華山之下白骨如
芥何有可遂之理考之內教縱使得仙終當有死不
能出世不願汝曹專精於此若其愛養神明調護氣
息慎節起居均適寒暄禁忌食飲將餌藥物遂其所

稟不爲夭折者吾無間然諸藥餌法不廢世務也東
看善常服槐實年七十餘目看細字鬚髮猶黑鄴中
朝士有單服杏仁枸杞黃精木車前得益者甚多不
能一一說爾吾嘗患齒搖動欲落飲食熱冷皆苦疼
痛見抱朴子牢齒之法早朝叩齒二百下爲良行之
數日即平愈今恒持之此輩小術無損於事亦可修
也凡欲餌藥陶隱居太清方中摠錄其備但須精審
不可輕服近有王愛州在鄴學服松脂不得節度腸
塞而死爲藥所誤者甚多夫養生先須慮禍全身
保性有此生然後養之勿徒養其無生也單豹養不

內而喪外張毅養於外而喪內前賢所戒也嵇康著
養生之論而以傲物受刑石崇冀服餌之徵而以貪
溺取禍徃世之所迷也夫生不可不惜不可苟惜
涉險畏之途干禍難之事貪欲以傷生讒慝而致死
此君子之所惜哉行誠孝而見賊履仁義而得罪喪
身以全家泯軀而濟國君子不咎也自亂離已來吾
見名臣賢士臨難求生終爲不救徒取窘辱令人憤
懣侯景之亂王公將相多被戮辱妃主姬妾略無全
者唯吳郡太守張嶷建義不捷爲賊所害辭色不撓
及鄱陽王世子謝夫人登屋詬怒見射而斃夫人謝

遵女也何賢智操行若此之難婢妾引决若此之易
悲夫

歸心篇十六

三世之事信而有徵家業歸心勿輕慢也其間妙旨
具諸經論不復於此少能讚述但懼汝曹猶未牢固
略重勸誘爾原夫四塵五陰剖析形有六舟三駕運
載群生萬行歸空千門入善辯才智惠豈徒七經百
氏之博哉明非堯舜周孔所及也內外兩教本為一
體漸極為異深淺不同內典初門設五種禁外典仁
義禮智信皆與之符仁者不殺之禁也義者不盜之

禁也禮者不邪之禁也智者不滯之禁也信者不妄
之禁也至如畋狩軍旅燕享刑罰固民之性不可卒
除就為之節使不滯濫爾歸周孔而背釋宗何其迷
也俗之謗者大抵有五其一以世界外事及神化無
方為透誕也其二以吉凶禍福或未報應為欺誑也
其三以猶尼行業多不精純為姦慝也其四以糜費
金寶減耗課役為損國也其五以縱有因緣如報善
惡安能辛苦今日之甲利後世之乙乎為異人也今
並釋之于下云 釋一曰夫遙大之物寧可度量今
人所知莫若天地天為積氣地為積塊日為陽精月

為陰精星為萬物之精儒家所安也星有墜落乃為
石矣精若是石不得有光性又質重何所繫屬一星
之徑大者百里一宿首尾相去數萬百里之物數萬
相連闊狹從斜常不盈縮又星與日月形色同爾但
以太小為其等差然而日月又滿石也石既守密烏
免焉容石在氣中豈能獨運日月星辰若皆是氣氣
體輕浮當與天合往來環轉不得錯違其間遲疾理
宜一等何故日月五星二十八宿各有度數移動不
均寧當氣墜忽變為石地既滓濁法應沉厚鑿土得
泉乃浮水上積水之下復有何物江河百谷從何處

生東流到海何為不溢歸塘尾間洪何所到沃集之
石何氣所然潮汐去還誰所節度天漢懸指那不散
落水性就下何故上騰天地初開便有星宿九州未
劃列國未分窮疆區野若為躔次封建已來誰所制
割國有增減星無進退災祥禍福就中不差乾象之
大列星之夥何為分野止繫中國昂為旄頭匈奴之
次西胡東越彫題交趾獨棄之乎以此而求迄無了
者豈得以人事尋常抑必宇宙外也凡人之信唯耳
與目耳目之外咸致疑焉儒家說天自有數義或渾
或蓋乍宣乍安斗極所周管維所屬若所親見不容

不同若所測量寧足依據何故信凡人之臆說迷木
聖之妙音而欲必無恒沙世界微塵數劫也而鄒衍
亦有九州之談山中人不信有魚大如木海上人不
信有木大如魚漢武不信弦膠魏文不信火布胡人
見錦不信有虫食樹吐絲所成昔在江南不信有千
人羶帳及來河北不信有二萬斛船皆實驗也世有
祝師及諸幻術猶能覆火蹈刃種瓜移井倏忽之間
十變五化人力所為尚能如此何況神通感應不可
思量千里寶幢百由旬座化成淨土踊出妙塔乎
釋二曰夫信謗之徵有如影響耳聞眼見其事日多

或乃精誠不深業緣未感時儻差闌終當獲報耳善
惡之行禍福所歸九流百氏皆同此論豈獨釋典為
虛妄乎項橐顏回之短折原憲伯夷之凍餒盜跖莊
躄之福壽齊景桓魋之富強若引之先業冀以後生
更為通耳如以行善而偶鍾禍報為惡而儻值福徵
便可怨尤即為欺詭則亦堯舜之云虛周孔之不實
也又欲安所依信而立身乎 釋三曰開闢已來不
善人多而善人少何由悉責其精潔乎見有名僧高
行棄而不說若觀凡僧流俗便生非毀且學者之不
勤豈教者之為過俗僧之學經律何異士人之學詩

禮以詩禮之教格朝廷之人略無全行者以經律之
禁格出家之輩而獨責無犯哉且闕行之臣猶求祿
位毀禁之侶何慙供養乎其於戒行自當有犯一披
法服已墮僧數歲中所計齋講誦持比諸白衣猶不
啻山海也釋四曰內教多途出家自是其一法耳
若能誠孝在心仁惠為本須達流水不必剃落鬚髮
豈令釐井由而起塔廟窮編戶以為僧尼也皆由為
政不能節之遂使非法之寺妨民稼穡無業之僧空
國賦算非太覺之本旨也抑又論之求道者身計也
惜費者國謀也身計國謀不可兩遂誠臣徇主而棄

親孝子安家而忘國各有行也儒有不屈王侯高尚
其事隱有讓王辭相避世山林安可計其賦役以為
罪人若能偕化黔首悉入道場如妙樂之世穰佉之
國則有自然稻米無盡寶藏安求田蚕之利乎釋
五曰形體雖死精神猶存人生在世望於後身但
相屬及其歿後則與前身俱猶老少朝夕耳世有魂
神示現夢想或降童妾或感妻孥求紫飲食徵須福
祐亦為不少矣今人貧賤疾苦莫不怨尤前世不修
功業以此而論安可不為之作地乎夫有子孫自是
天地間一蒼生耳何預身事而乃愛護遺其基址况

於己之神爽頤欲棄之哉凡夫蒙蔽不見未來故言
彼生與今非一體耳若有天眼鑒其念念隨滅生生
不斷豈可不怖畏耶又君子處世貴能克己復禮濟
時益物治家者欲一家之慶治國者欲一國之良僕
妾臣民與身竟何親也而為勤苦修德乎亦是堯舜
周孔虛失愉樂耳一人修道濟度幾許蒼生免朕幾
身罪累幸孰思之汝曹若觀俗計樹立門戶不棄妻
子未能出家但當兼修行留心誦讀以為來世津
梁入身難得勿虛過也儒家君子尚離庖廚見其生
不忍其死聞其聲不食其肉高柴折像未知內教皆

能不殺此乃仁者自然用心舍生之徒莫不愛命去
殺之事必勉行之好殺之人臨死報驗子孫殃禍其
數甚多不能悉錄耳且示數條於末梁世有入常以
雞卵白和沐云使髮光每沐輒破二三十枚臨死髮
中但聞啾啾數千雞雛聲江陵劉氏以賣鱸羹為
業後生一兒頭是鱸自頸已下方為人耳王克為
永嘉郡守有人餽羊集賓欲讌而羊繩解來投一客
先跪兩拜便入衣中此客竟不言之固無救請須臾
宰羊為炙先行至客一齧入口便下皮內周行遍體
痛楚號叫方復說之遂作羊鳴而死梁孝元在江

州時有人為均善縣令經劉敬躬亂縣解被焚寄寺
而住民將牛酒作禮縣令以牛繫剝柱屏除形像鋪
設牀坐於堂上接賓未殺之頃牛解徑來至階而拜
縣令大笑命左右室之飲噉醉飽便卧簷下稍醒而
覺體痒把搔隱疹因爾成癩十許年死 楊思達為
西陽郡守值侯景亂時復旱儉飢民盜田中麥思達
遣一部曲守視所得盜者輒截手腕凡戮十餘人部
曲後生一男自然無手 齊有二奉朝請家甚豪後
非手殺牛噉之不久美年三十許病篤大見牛來舉體
如被刀刺叫呼而終 江陵高偉隨吾入齊凡數年

向幽州淀中捕魚後病每見羣魚齧之而死 世有
癡人不識仁義不知富貴並由天命為子娶婦恨其
生資不足倚作舅姑之尊地虺其性毒口加誣不識
忌諱罵辱婦之父母却云教以婦道不孝已身不顧
他恨怛怛已之子女不愛已之兒婦如此之人陰紀
其過鬼奪其筭慎不可與為鄰仍不可與為援宜遠
之哉

書證篇十七

詩云參差荇菜爾雅云荇菱余也字或為荇先儒解
釋皆云水草圓葉細莖隨水淺深今是水悉有之黃

花似萹江南俗亦呼為猪萹或呼為苜蓿劉芳具有
注釋而河北俗人多不識之博士皆以參差者是萹
菜呼人竟為不苜亦可笑之甚詩云誰謂茶苦爾
雅毛傳並以茶苦菜也又禮云苦菜秀案易統通卦
驗玄圖曰苦菜生於寒秋更冬歷春得夏乃成今中
原苦菜則如此也一名游冬葉似苦苣而細摘斷有
白汁花黃似菊江南別有苦菜葉似酸漿其花或紫
或白子大如珠熟時或赤或黑此菜可以釋勞案郭
璞注爾雅此乃織黃蔞也今河北謂之龍葵梁世講
禮者以此當苦菜既無宿根至春子方生耳亦大誤

也又高誘注呂氏春秋曰榮而不實曰英苦菜當言
英蓋知非龍葵也詩云有杕之杜江南本並木傍
施大傳曰杕獨兒也徐仙民音徒計反說文曰杕樹
兒也在木部韻集音次第之第而河北本皆為夷狄
之狄讀亦如字此大誤也詩云駟駒牡馬江南書
皆作牝牡之牡河北本悉為放牧之牧鄴下博士見
難云駟頌既美儔公牧于坰野之事何限驥騁乎余
答曰案毛詩云駟駒良馬腹幹肥張也其下又云諸
侯六閑四種有良馬戎馬田馬駑馬若作放牧之意
通於牝牡則不容限在良馬獨得駟駒之稱良馬夫

子以駕玉輅諸侯以充朝聘郊祀必無驛也周禮國
人職良馬匹一人駕馬麗一人圉人所養亦非驛也
頌人舉其強駿者言之於義為得也易云良馬逐逐
左傳云以其良馬二亦精駿之稱非通語也今以詩
傳良馬通於牧驛恐失毛生之意且不見劉芳義證
乎月令云荔挺出鄭玄注云荔挺馬薤也說文云
荔似蒲而小根可為刷廣雅云馬薤荔也通俗文亦
云馬蘭易統通卦驗玄面云荔挺不出則國多火災
蔡邕月令章句云荔似挺高誘注呂氏春秋云荔草
挺出也然則月令注荔挺為草名誤矣河北平澤率

生之江東頗有此物人或種於階庭但呼為草蒲故
不識馬薤講禮者乃以為馬苒堪食亦名豚耳俗曰
馬齒江陵嘗有一僧面形上廣下狹劉緩幼子民譽
年始數歲俊悟善體物見此僧云面似馬苒其伯父
劉縉因呼為荔挺法師縉親講禮名儒尚誤如此
詩云將其來施施毛傳云施施難進之意鄭箋云施
施舒行兒也韓詩亦重為施施河北毛詩皆云施施
江南舊本悉單為施俗遂是之恐為少誤詩云有
滄萋萋興雲祁祁毛傳云滄陰雲兒萋萋雲行兒祁
祁徐兒也箋云古者陰陽和風雨時其來祁祁然不

暴疾也案滄已足陰雲何勞復云興雲祁祁耶雲
為兩俗寫誤耳班固靈臺詩云三光宣精五行布序
習習祥風祁祁甘雨此其證也 禮云定猶豫決嫌
疑離騷曰心猶豫而狐疑先儒未有釋書案尸子曰
五尺犬為猶說文云隴西謂犬子為猶吾以為人將
失行犬好豫在人前待人不得又來迎候如此往還
至于終日斯乃豫之所以為未定也故稱猶豫或以
爾雅曰猶如鹿善登木猶獸名也既聞人聲乃豫緣
木如此上下故稱猶豫狐之為獸又多猜疑故聽河
冰無流水聲然後渡今俗云狐疑虎卜則其義也

左傳曰齊侯疾遂疢說文云疢二曰一發之瘧疢有
熱瘧也案齊侯之病本是間日一發漸加重乎故為
諸侯憂也今北方猶呼瘧瘧音皆而世間傳本多以
瘧為疥杜征南亦無解釋徐仙民音介俗儒就為通
云瘧疥令人惡寒變而成瘧此臆說也疥癬小疾何
足可論寧有患疥轉作瘧乎 尚書曰惟影響周禮
云土圭測影影朝影夕孟子曰圖影失形莊子云罔
兩間影如此等字皆當為光景之景凡陰景者因光
而生故即謂為景淮南子呼為景柱廣雅云景柱掛
景並是也至晉世葛洪字苑傍始加多音於景反

而世間輒改治尚書周禮莊子從葛洪定其為失矣
太公六韜有天陳地陳人陳雲鳥之陳論語曰衛靈
公問陳於孔子左傳為魚麗之陳俗本多作阜傍車
乘之車按諸陳字並作陳鄭之陳夫行陳之義取於
陳列耳此六書為假借也蒼雅及近世字書皆無別
字唯王羲之小學章獨阜傍作車絀復俗行不宜追
改六韜論語左傳也詩云黃鳥于飛集於灌木傳云
灌木叢木也此乃爾雅之文故李巡注曰木叢生曰
灌爾雅末章又云木族生為灌族亦叢聚也所以江
南詩古本皆為藂聚之藂而古藂字似寂字近世儒

生因改為寂解云木之最高長者案眾家爾雅及解
詩無言此者唯周續之毛詩注音為得會反劉昌宗
詩注音為在公反又相會反此為穿鑿失爾雅訓也
也是語已及助句之辭文籍備有之矣河北經傳悉
略此字其間字有不可得無者至如伯也執爨於旅
也語回也屢空風風也教也及詩傳云不戢戢也不
儼儼也不多也如斯之類儼則此文頗成廢闕詩
言青青子衿傳曰青衿青領也學子之服按古者斜
領下連於衿故謂領為衿孫炎郭璞注爾雅曹大家
注烈女傳並云衿交領也鄴下詩本既無也字群儒

因謬說云青衿青領是衣兩處之名皆以青爲飾凡
釋青青一字其失大矣又有俗學聞經傳中特須也
字輒以意加之每不得所無誠可笑 易有蜀才注
江南學士遂不知是何人王儉四部目錄不言姓名
題云王弼後人謝良夏侯該並讀數千卷書皆疑是
譙周而李蜀書一名漢之書且云姓范名長生自稱蜀
才南方以習渡江後北間傳記皆名爲僞書不肯自
讀故不見也 禮王制云羸股肱鄭注云謂搗衣出
其臂脰今書皆作環申之環國子博士蕭該云環當
作搗音宣環是穿著之名非出臂之義案字林蕭讀

是徐爰音患非也 漢書田肯賀上江南本皆作宵
字沛國劉顯博覽經籍偏精班漢梁代謂之漢聖顯
子臻不隊家業讀班史呼爲田肯梁元帝嘗問之答
曰此無義可求但臣家舊本以雌黃改宵字爲肯元
帝無以難之吾至江北見本爲肯 漢書王莽贊云
紫色蛙聲餘分閏位蓋謂非玄黃之色不中律呂之
音也近有學士名問其高遂云王莽非直爲醜虎視
復紫色蛙聲亦爲誤矣 簡策字竹下施束反賜未
代隸書似杞宋之宋亦有竹下遂爲爽者猶如刺字
之傍應爲東今亦作夾徐仙民春秋禮者遂以爲

正字以策為音殊為顛倒史記又作悉字誤而為述
作妬字誤而為妬徐鄒皆以悉字音述以妬字音
妬既爾亦可以亥為豕字音以帝為虎字音舉張
揖云宓今伏羲氏也孟康漢書古文注亦云宓今伏
而皇甫謐云伏羲或謂之宓羲按諸經史緯候遂無
宓羲之號處字從虎暗宓字從守縮下俱為宓未世
傳寫遂誤以處為宓而帝王世紀因誤更立名耳何
以驗之孔子弟子處子賤為單父宰即處羲之後俗
字亦為宓或復加山今兗州永昌郡城舊單父地也
東門有子賤碑漢世所立乃云濟南伏生即子賤之

後是知處之與伏古來通字誤以為宓較可知矣
太史公記曰寧為雞口無為牛後此是刪戰國策耳
按延篤戰國策音義曰尸雞中之主從牛子然則口
當為尸後當為從俗寫誤也應劭風俗通云太史
公記高漸離變名易姓為入庸保匿作於也子久之
作苦聞其家堂上有客擊筑伎癢不能無言案伎
癢者懷其伎而腹癢也是以潘岳射雉賦云徒心
煩而伎癢今史記並作徘徊或作徬徨不能無言
是為俗傳寫誤爾太史公論英布曰禍之興自愛
姬生於妬媚以至滅國又漢書外戚傳亦云成結寵

妾妬媚之誅此二媚並當作媚媚亦妬也禮記
三蒼且五宗世家亦云常山憲王后妬媚王去論衡
云妬夫媚婦生則忿怒鬪訟益知媚是妬之別名原
英布之誅為意賁赫耳不得言媚 史記始皇本紀
二十八年丞相隗林丞相王綰等議於海上諸本皆
作山林之林開皇二年五月長安民掘得秦時鐵稱
權旁有銅塗鑄銘二所其一所曰廿六年皇帝盡并
兼天下諸侯黔首大安立號為皇帝乃詔丞相狀綰
灑度量刪不賣歛疑者皆賣明之凡四十字其一所
曰元年制詔丞相斯去疾法度量盡始皇帝為之皆

刻辭焉今襲號而刻辭不稱始皇帝其於父遠也如
後嗣為之者不稱成功盛德刻此詔 左使毋疑凡
五十八字一字磨滅見有五十七字了了分明其書
兼為古隸余被勅為讀之與內史令李德林對見此
稱權今在官庫其丞相狀字乃為狀兒之狀引旁作
天則知俗作隗林非也當為隗狀耳 漢書云中
從福字當從示從安也音匙七之匙義見蒼雅方言
河北學士皆云如此而江南書本多誤從手屬受者
對耦並為提挈之意恐為誤 或問漢書注為元后
父名禁改禁中為省中何故以省代禁答曰案周禮

官正掌王宮之戒令糾禁鄭注云糾猶害也察也李
登云省察也張揖云省今省察也然則小井所領二
反並得訓察其處既常有禁衛省察故以省代禁管
古察字也漢明帝紀為四姓小侯立學校桓帝加
元服又賜四姓及梁鄧小侯帛是知皆外戚也明帝
時外戚有樊氏郭氏陰氏馬氏為四姓謂之小侯者
或以年小獲封故須立學耳或以侍祠復朝侯非列
侯故曰小侯禮云庶方小侯則其義也後漢書云
鸛雀銜三鱣鰭魚多假借為鱣鮪之鱣俗之學士因
謂之為鱣魚案魏武四時食制鱣魚大如五斗匱長

一丈郭璞注爾雅鱣長一丈安有鸛雀能勝一者况
三頭乎鱣又純灰色無文章也鱣魚長者不過二尺
大者不過二指黃地黑文故都講云蚺鱣卿大夫服
之象也續漢書及搜神記亦說此事皆作鱣字孫卿
云魚鱣鱣及韓非說苑皆曰鱣似蛇蚕似蠋並作
鱣字假鱣為鱣其來久矣後漢書酷吏樊豐為天
水郡守涼州為之歌曰寧見乳虎穴不入華城寺而
江南書本穴皆誤作穴學士因循迷而不寤夫虎豹
穴居事之較者所以班超云不探虎穴安得虎子寧
當論其六七十乎後漢書楊由傳云風吹削勝此其

削牘之梯耳古者書誤則削之故左傳云削而拔之是也或即謂私為削王褒童約曰書削代牘蘇竟書云昔以摩研編削之才皆其證也詩云伐木泝泝毛傳云泝泝泝兒也史家假借為肝肺字俗本悉作脯腊之脯或為反哺之哺學士因解云削哺是屏障之名既無證據亦為妄矣此是風角占候耳風角書曰度人風者拂地揚塵轉削若是屏障何由可轉也三輔決錄云前隊大夫范仲公益鼓蒜果共下角果當作魏顥之顥北土通呼物一由改為一顥蒜顥是俗間常語耳故陳思王鷓鴣賦曰頭如栗蒜目似璧

椒又道經云合口誦經聲璦璦眼中淚出珠子碾其字雖異其音與義頗同江南但呼為蒜符不知謂為顥學士相承讀為裹結之裏言益與蒜共苞一裏內箇中耳正史削繁音義又音蒜顥為苦戈反皆失也有人訪吾曰魏志蔣濟上書云弊劫之民何字也余應之曰意為劫即是敝倦之敝耳要用字花云敝音九偽反字見廣雅及陳思王集也張揖呂忱並云支傍作刀劔之刀亦是削字不知蔣氏自造支傍作筋力之力或借削字終當音九偽反晉中興書太山羊曼常頽縱任俠飲酒誕節兗州號為轅伯此字更無音訓梁孝先帝嘗謂吾

項氏家訓卷下

古

曰由來不識唯張簡憲見教呼為嚶美之嚶自爾便
遵承之亦不知所出簡憲是湘州刺史張纘謚也汗
南號為碩學案法盛世代殊近當是耆老相傳俗間
又有齶齶語蓋無所不施無所不容之意也顧野王
玉篇誤為黑傍查顧雖博物猶出簡憲孝元之下而
二人皆云重邊吾所見數本並無作黑者重查是多
饒積厚之意從黑更無義音 古樂府歌詞先述三
子次及三婦婦是對舅姑之稱其末章云丈人且安
坐調絃未遽央古者子婦供事舅姑旦夕在側與兒
女無異故有此言丈人亦長老之目今世俗猶呼其

祖考為先亡丈人又疑丈當為大北間風俗婦呼舅
為丈人公丈之與大易為誤耳近代文士頗作三婦
詩乃為匹嫡並耦已之群妻之意又加鄭衛之辭不
雅君子何其謬乎 古樂府歌百里奚詞曰百里奚
五羊皮憶別時烹伏雌吹簾爨今日富貴忘我為吹
當作炊者之炊案祭邑月令章句曰鍵關牡也所以
止扉或謂之剡移然則當時貧困并以門牡木作新
炊耳聲類作炭又或作店 通俗文世間題云河南
服虔字子慎造虔既足漢人其叙乃引蘇林張揖蘇
張皆是魏人且鄭玄以前全不解反語通俗反音甚

為近俗阮孝緒又云李虔所造河北此書家藏本
遂無作李虔者晉中經簿及七志並無其目意不得
知誰制然其文義允愜實是高才殷仲堪常用字訓
亦引服虔俗說今復無此書未知即是通俗文為當
有異近代或更有服虔乎不能明也 或問山海經
夏禹及益所記而有長沙零陵桂陽諸暨如此郡縣
不少以為何也答曰史之闕文為日久矣加復秦人
滅學董卓焚書典籍錯亂非止於此譬猶本草神農
所述而有豫章先崖趙國常山奉高真定臨淄馮翊
等郡縣名出諸藥物爾雅周公所作而云張仲孝友

仲尼脩春秋而經書孔丘卒世本左丘明所書此說
南謚帝而有燕王喜漢高祖汲冢瑣語乃載秦望碑
蒼頡篇李斯所造而云漢兼天下海內并厠豨黥韓
覆畔討滅殘列仙傳劉向所造而贊云七十四人出
佛經列女傳亦向所造其子歆又作頌終于趙悼后
而傳有更始韓夫人明德馬后及梁夫人嫫皆由後
人所羸非本文也 或問曰東宮舊事何以呼鷓尾
為祠尾谷曰張敞者吳人不甚措古隨真記注逐鄉
俗訛謬造作書字耳吳人呼祠祀為鷓祀故以祠代
鷓呼緝為禁故以系旁作禁代緝字呼鷓為竹簡及

故以木傍作展以代彡字呼鑊字為鑊字故以金傍
作霍代鑊字又金傍作患為鑲字木傍作鬼為槐字
火傍作度為炙字既下作毛為髻字金花則金傍作
華窓扇則木傍作扇諸如此類專輒不少又問東宮
舊事六色蜀縷是何等物當作何音荅曰按說文云
若牛藻也讀若威音隱塢瑰反即陸機所謂聚藻葉
如蓬者也郭璞注三蒼亦云蘊藻之類也細葉蓬茸
生然今水中有此物一節長數寸細茸如絲圍繞可
愛長者二三十節猶呼為若尺寸斷五色絲橫著線
股間繩之以象著草用以飭物即名為著于時當緝

一條訟不必得其理幸千戶縣不必理其民間其造
屋不必知楣橫而椽豎也問其為田不必知稷早而
黍穉也吟嘯談詭諷詠辭賦事既優閑材增迂誕軍
國經綸略無施用故為武人俗吏所共嗤詆良由是
乎夫學者所以求益爾見人讀數十卷書便自高大
凌忽長者輕慢同列人疾之如讎敵惡之如鴟梟如
此以學自損不如無學也古之學者為己以補不足
也今之學者為人但能說之也古之學者為己入行道
以利世也今之學者為己脩身以求進也夫學者猶
種樹也春玩其華秋登其實講論文章春華也脩身

利行秋實也人生小幼精神專利長成已後思慮散
逸固須早教勿失機也吾七歲時誦靈光殿賦至千
今日十年一理猶不遺忘二十之外所誦經書一月
廢置便至荒蕪矣然人有坎塹失於盛年猶當晚學
不可自弃孔子云五十以學易可以無夫過矣魏武
袁遺老而彌篤此皆少學而至老不倦也曾子七十
乃學名聞天下荀卿五十始來遊學猶為碩儒公孫
弘四十餘方讀春秋以此遂登丞相朱雲亦四十始
學易論語皇甫謐二十始授孝經論語皆終成大儒
此並早迷而晚寤也世人婚冠未學便稱遲暮因循

也遂言刺為筋肉之筋以耦地骨用之恐失其義
或問俗名傀儡子為郭禿有故實乎荅曰風俗通云
諸郭皆禿禿當是前代人有姓郭而病禿者滑稽戲
調故後人為其象呼為郭禿猶文康象庾亮耳或
問曰何故名洽獄參軍為長流乎荅曰帝王世紀云
帝少昊崩其神降于長流之山此事本出山海經流作留於祀主
秋此說本按周禮秋官司寇主刑罰長流之職漢魏
捕賊掾耳晉宋以來始為參軍上屬司寇故取秋帝
所居為嘉名焉客有難主人曰今之經典子皆謂
非說文所言子皆云是然則許慎勝孔子乎主人撫

掌大笑應之曰今之經典皆孔子手迹耶客曰今之
說文皆許慎手迹乎荅曰許慎檢以六文貫以部分
使不得誤誤則覺之孔子存其義而不論其文也先
儒尚得改文從意何況書寫流傳耶必如左傳止戈
爲武反正爲乏血蟲爲蠱亥有二首六身之類後人
自不得輒改也安敢以說文校其是非哉且余亦不
專以說文爲是也其有援引經傳與今乖者朱之敢
從又相如封禪書曰導一莖六穗於庖犧雙貉共
抵之獸此導訓釋光武詔云非徒有豫養導擇之勞
是也而說文云導是禾名引封禪書爲證無妨自當

有禾名導非相如所用也禾一莖六穗於庖豈成文
乎縱使相如天才鄙拙強爲此語則下句當云麟雙
貉共抵之獸不得云犧也吾嘗笑許純儒不達文章
之體如此之流不足憑信大抵服其爲書隱括有條
例剖析窮根源鄭玄注書往往引其爲證若不信其
說則冥冥不知一點一畫有何意焉世間小學者不
通古今必依小篆是正書記凡爾雅三蒼說文豈能
悉得蒼頡本指哉亦是隨代損益各有同異西晉已
往字書何可全非但令體例成就不爲專輒耳考校
是非特須消息至如仲尼居三字之中兩字非體三

蒼尼勞益五說文居下施几如此之類何由可從古
無二字又多假借以中為仲以說為悅以乃為邵以
間為閑如此之徒亦不勞改自有訛謬過成鄙俗亂
旁為舌揖下無耳鼃鼃從龜奮奪從霍錯席中加帶
惡上安西鼓外設皮斃頭生毀離則配禹壑乃施訟
巫混經旁臯分澤片獮化為獾音葛獸各寵變成寵
寵音即動反業左益土靈底著器率字自有律音強
孔也故從穴改為別單字自有善音輒析成異如此之類不可不
治吾昔初看說文蚩薄世字從正則懼人不識隨俗
則意嫌其非略是不得下筆也所見漸廣更知通變

救前之執將欲半焉若文章著述猶擇微相影響者
行之官曹文書世間尺牘幸不違俗也案彌亘字從
二間舟詩云且之租稭是也今之隸書轉舟為日而
何法盛中興書乃以舟在二間為舟航字謬也春秋
說以入十四心為德詩說以二在天下為酉漢書以
貨泉為白水真人新論以金昆為銀國志以天上有
巨為吳晉書以黃頭小人為恭宋書以召力為劬叅
同契以人負告為造如此之例蓋數術謬語假借依
附雜以戲笑耳如猶轉貢字為項以叱為七安可用
此定文字音讀乎潘陸諸子離合詩賦拭卜破字經

及鮑昭謎字皆取會流俗不足以形聲論之也河
間邢芳語吾云賈誼傳云日中必隳注隳暴也曾見
人解云此是暴疾之意正言日中不須更卒然便暴
耳此釋為當乎吾謂邢曰此語本出太公六韜安字
書古者暴曬字與暴疾字相似唯下少異後人專輒
加傍白耳言日中時必須暴曬不爾者失其時也晉
灼已有詳釋芳笑服而退

音辭篇十八

夫九州之人言語不同生民已來固常然矣自春秋
標旅星之傳離騷且楚詞之經此蓋其較明之初也

後有楊雄著方言其書大備然皆考名物之同異不
顯聲讀之是非也逮鄭玄注六經高誘解呂覽淮南
許慎造說文劉喜製釋名始有譬况假借以證音字
耳而古語與今殊別其間輕重清濁猶未可曉加以
外言內言急言徐言讀若之類益使人疑孫叔言創
爾雅音義是漢末人獨知反語至於魏世此輩大行
高貴鄉公不解反語以為怪異自茲厥後音韻錄出
各有土風遞相非笑揄馬之諭未知孰是共以帝王
都邑參校方俗考覈古今為之折衷權而量之獨金
陵與洛下耳南方水土和柔其音清舉而切詣失在

浮淺其辭多鄙俗北方山川深厚其音沉濁而訛鈍
得其質直其辭多古語然冠冕君子南方為優閭里
小人北方為愈易服而與之談南方士庶數言可辯
隔垣而聽其語北方朝野終日難分而南染吳越北
雜夷虜皆有深弊不可具論其謬失輕微者則南人
以錢為延以石為射以賤為羨以是為舐北人以度
為戔以如為儒以紫為姊以洽為狎如此之例兩失
甚多至鄴已來唯見崔子約崔瞻叔姪李祖仁李蔚
兄弟頗事言詞少為切正李李節著音韻决疑時有
錯失陽休之造切韻殊為踈野吾家兒女雖在孩稚

便漸覺正之一言訛替以為已罪矣云為品物未考
書記者不敢輒名汝曹所知也古今言語時俗不同
著述之人楚夏各異蒼頡訓詁反輝為通賣反娃為
於乖戰國策音列為免穆天子傳音諫為間說文音
厚為棘讀血為猛字林音看為口甘及音伸為辛韻
集以成仍宏登合成兩韻為奇益石分作四章李登
聲類以系音非劉昌宗周官音讀乘若承此例甚廣
必須考校前世及語又多不切徐仙民毛詩音反駮
為在通左傳音切緣為徒緣不可依信亦為衆矣今
之學士語亦不正古獨何人必應隨其訛僻乎通俗

文曰入室求自搜反為兒侯然則兒當音所榮反今
北俗通行此音亦古語之不可用者璵璠魯之寶玉
當音餘煩江南皆音藩屏之藩岐山當音為奇江南
皆呼為神祇之祇江陵陷沒此音被於關中不知二
者何所承案以吾淺學未之前聞也北人之音多以
舉莒為矩唯李季節云齊桓公與管仲於臺上謀伐
莒東郭牙望桓公口開而不閉故知所言者莒也然
則莒矩必不同呼此為知音矣夫物體自有精麤精
麤謂之好惡人心有所去取去取謂之好惡社_呼下_呼為故
反此音見於葛洪徐邈而河北學士讀尚書云好呼

反生惡殺_於各是為一論物體一就人情殊不通矣
甫者男子之美稱古書多假借為父字北人遂無一
人呼為甫者亦所未喻唯管仲范增之號須依字讀
耳_{管仲號仲父}案諸字書焉字鳥名或云語詞皆
音於愈反自葛洪要用字苑分焉字音訓若訓何訓
妥當音於愈反於焉逍遙於焉嘉客焉用佞焉得仁
之類是也若送句及助詞當音矣愈反故稱龍焉故
稱血焉有民人焉有社稷焉託始焉爾晉鄭焉依之
類是也江南至今行此分別昭然易曉而河北混同
一音雖依古讀不可行於今也邪者_音未定之詞左

傳曰不知天之棄魯邪抑魯君有罪於鬼神邪莊子
云天邪地邪漢書云是邪非邪之類是也而北人即
呼爲也字亦爲誤矣難者曰繫辭云乾坤易之門戶
邪此又爲未定辭乎答曰何爲不爾上先標問下方
列德以折之耳江南學士讀左傳口相傳述自爲凡
例軍自敗曰敗打破人軍曰敗補敗諸記傳未見補
敗反徐仙民讀左傳唯一處有此音又不言自敗敗
入之別此爲穿鑿耳 古人云膏梁難整以其爲驕
奢自足不能尅勵也吾見王侯外戚語多不正亦由
內染賤保傳外無賢師友故耳梁世有一侯當對元

帝飲譴自陳癡鈍乃成颺良元帝答之云颺異涼風
段非干木謂郢州爲永州元帝啓報簡文簡文云庚
辰吳入遂成司隸如此之類舉口皆然元帝手教諸
子侍讀以此爲誡河北切攻字爲古琮與工公功三
字不同殊爲僻也比世有人名暹自稱爲織名現自
稱爲衮名洸自稱爲汪名藜黯自稱爲馮音非唯音
韻舛錯亦使其見孫避諱紛紜矣

雜藝篇第十九

真草書迹微須留意江南諺云尺牘書疏千里面且
也承晉宋餘俗相與事之故無頓很者吾幼承門

業加性愛重所見法書亦多而翫習功夫頗至遂不能佳者良由無分故也然而此藝不須過精夫巧者勞而智者憂常爲人所役使更覺爲累韋仲將遺戒深有以也王逸少風流才士蕭散名人舉世唯知其書翻以能自蔽也蕭子雲每歎曰吾著齊書勒成一典文章弘義自謂可觀唯以筆迹得名亦異事也王褒地胄清華才學優敏後雖入關亦被禮遇猶以書工崎嶇碑碣之間辛苦筆硯之役嘗悔恨曰假使吾不知書可不至今日邪以此觀之慎勿以書自命雖然廝猥之人以能書拔擢者多矣故道不同不相

爲謀也梁氏秘閣散逸以來吾見二王真草多矣家中嘗得十卷方知陶隱居阮交州蕭祭酒諸書莫不得義之之體故是書之淵源蕭晚節所變乃是右軍年少時法也晉宋以來多能書者故其時俗遞相染尚所有部帙楷正可觀不無俗字非爲大損至梁末監之間斯風未變大同之末訛替滋生蕭子雲改易字體邵陵王頗行偽字前上爲草能傍作長之類是也朝野翕然以爲楷式畫虎不成多所傷敗至爲一字唯見數點或云斟酌遂便轉移爾後墳籍略不可看北朝喪亂之餘書迹鄙陋加以專斬造字猥拙甚

於江南乃以百念為憂言及為變不用為罷追來為
歸更生為蘇先人為老如此非一徧滿經傳唯有姚
元標工於楷隸留心小學後生師之者衆洎于齊末
祕書繕寫賢於往日多矣江南閭里間有畫書賦此
乃陶隱居弟子杜道士所為其人未甚識字輕為軌
則託名貴師世俗傳信後生頗為所誤也 畫繪之
工亦為妙矣自古名士多或能之吾家常有梁元帝手
畫蟬雀白團扇及馬圖亦難及也武烈太子偏能
寫真坐上賓客隨宜點染即成數人以問童孺皆知
姓名矣蕭貴劉孝先劉靈並文學已外復佳此法翫

閱古今特可寶愛若官未通顯每被公私使令亦為
徭役吳郡顧士端出身湘東國侍郎後為鎮南府刑
獄參軍有子曰庭西朝中書舍人又子並有琴書之
藝尤妙丹青常被元帝所使每懷羞恨彭城劉岳棠
之子也仕為驃騎府管記平氏縣令才學快士而畫
絕倫後隨武陵王入蜀下牢之敗遂為陸護軍畫景
江寺壁與諸工巧雜處向使二賢都不曉畫直運素
業豈見此耻乎 弧矢之利以威天下先王所以觀
德擇賢亦濟身之急務也江南為世之常射以為兵
射冠冕儒生多不習此別有博射弱考長箭施於隼

的揖讓昇降以行禮焉防禦寇難了無所益亂離之
後此術遂亡河北文士率曉兵射非直葛洪一箭已
解追兵三九讌集常廢蔡賜雖然要輕禽截狡獸不
願汝輩為之ト筮者聖人之業也但近世無復佳
師多不能中古者ト以決疑今人生疑於上何者守
道信謀欲行一事ト得惡卦反令怵怵也此之謂
乎且十中六七以為上手粗知大意又不委曲凡射
奇偶自然半收何足賴也世傳云解陰陽者為鬼所
嫉坎壙貧窮多不稱泰吾觀近古以來尤精妙者唯
京房管輅郭璞耳皆無官位多或罹災此言令人益

信儻值世網嚴密強負此名便有詿誤亦禍源也及
星文風氣率不勞為之吾嘗學六壬式亦值世間好
近聚得龍首金匱玉燮玉曆十許種書討求無驗尋
亦悔罷凡陰陽之術與天地俱生其吉凶德刑不可
不信但去聖既遠世傳術書皆出流俗言辭鄙淺驗
少妄多至如反支不行竟以遇害歸忌寄宿不免凶
終拘而多忌亦無益也 筮術亦是六藝要事自古
儒士論天道定律曆者皆學通之然可以兼明不可
以專業江南此學殊少唯范陽祖暅精之位至南康
太守河北多曉此術音 醫方之事取妙極難不

勸汝曹以自命也微解藥性小小和合居家得以救
急亦為勝事皇甫謐殷仲堪則其人也禮曰君子
無故不徹琴瑟古來名士多所愛好泊於梁初衣冠
子孫不知琴者號有所闕天同以末斯風頓盡然而
此樂借借雅致有深味哉今世曲解雖變於古猶足
以暢神情也唯不可令有稱譽見役動貴處之下坐
以取殘杯冷炙之辱戴安道猶遭之况爾曹乎家
語曰君子不博為其兼行惡道故也論語云不有博
奕者乎為之猶賢乎已然則聖人不用博奕為教但
以學者不可常精有時疲倦則儻為之猶勝飽食昏

睡兀然端坐耳至如吳太子以為無益命韋昭論之
王肅葛洪陶侃之徒不許且觀手執此並勤篤之志
也能爾為往古為大博則六著小博則二然今無曉
者比世所行一筮十二棊數術淺短不足可翫圍碁
有手談坐隱之目頗為雅戲但令人耽憤廢喪實多
不可常也投壺之禮近世愈精古者實以小豆為
其矢之躍也今則唯欲其驍益多益壺豈乃有筒竿帶
劍狼壺豹尾龍首之名其尤妙者有蓮花驍汝南周
瓚弘正之子會稽賀徽賀革之子並能一箭四十餘
驍賀又嘗為小障置壺其外隔障投之無所失也至

鄴以來亦見廣寧蘭陵諸王有此校具舉國遂無投
得一驍者彈基亦近世雅戲消愁釋憤時可爲之

終制篇二十

死者人之常分不可免也吾年十九值梁家喪亂其
間與白刃爲伍者亦常數輩幸承餘福得至於今古
人云五十不爲夭吾已六十餘故心坦然不以殘年
爲念先有風氣之疾常疑奄然聊書素懷以爲汝誠
先君先夫人皆未還建鄴舊山旅葬江陵東郭承聖
末啓求揚都欲營遷厝蒙詔賜銀百兩已於揚州小
郊北地燒塋使值本朝淪沒流離如此數十年間絕

還望今雖混一家道罄窮何由辦此奉營資費且
揚都汙敗無復子遺還被下濕未爲得計自咎自責
貫心刻髓計吾兄弟不當仕進但以門衰骨肉單弱
五服之內傍無一人播越他鄉無復資廢使汝等沉
淪斯役以爲先世之耻故覩冒人間不敢隊矣兼以
北方政教嚴切全無隱退者故也今年老疾侵憊然
奄忽豈求備禮乎一日放臂沐浴而已不勞復魄歟
以常衣先夫人棄背之時屬世荒饑家塗空迫兄弟
幼弱棺器率薄藏內無塋吾當松棺二寸衣帽已外
一不得自隨床土唯施七星板至如蟬弩牙玉豚錫

人之屬並須停省糧粟明器故不得營碑誌旒旌彌
在言外載以徽甯車襯土而下平地無墳若懼拜掃
不知兆域當築一堵低墻於左右前後隨為私記靈
筵勿設枕几朔望祥禫唯下白粥清水乾棗不得有
酒肉餅果之祭親友來餽酢者一皆拒之汝曹若違
吾心有加先妣則陷父不孝在汝安乎其肉典功德
隨力所至勿刻錫生資使凍餒也四時祭祀周孔所
教欲人勿死其親不忘孝道也求諸內典則無冤焉
殺生為之翻增罪累若報罔極之德霜露之悲有時
齊供及盡思信不辱其親所望於汝也孔子之葬親

也云古者墓而不墳東西南北之人也不可以辨
識也於是封之崇四尺然則君子應世行道亦有不
守墳墓之時况為事際所逼也吾公羈旅身若浮雲
竟未知何鄉是吾葬地唯當氣絕便埋之耳汝曹宜
以傳業揚名為務不可顧戀朽壤以取湮沒也

顏氏家訓下卷終

東文二
平二月廿四日

百六十八

已

大正

寬文二^壬寅年三月吉日

早稻田大學大學院
文學研究科圖書

Vertical text within a rectangular border, likely bleed-through from the reverse side of the page. The text is faint and difficult to read.

テ180
和994
2